

مشتاقنامه

طبعه و محل اداره :

دهال اوغلنده امنیت
سندونی جوارنده
شنکول یقوشنده
۲۵ نومبر

سلک زمه موافق آثار
جدیده مع المنونیه
قبول اولنور

درج ایدله بن آثار اطاده اولنور

ریس ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و رشوه اسلامیه بحث ایندرو هفته ده بر نشر اولنور.

صاحب و مؤسسلری :

آبونه بدلی

در سعادتده نسخه سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریله برسه سنوی
۲۰ غروش فضله آلنور

۱۰ تموز ۳۲۴

سنه لکی	التی آیلانی	
۶۵	۳۵	عالمک عثمانیه ایچون
۶۵	۳۵	روسیه
۱۷	۹	سائر عالمک اجنبیه
		غروش
		روبله
		فرانق

یدنجی جلد

۱۱ ربیع الاول ۱۳۳۰ پنجشنبه ۱۶ شباط ۱۳۲۷

عدد : ۱۸۲

روسیه اسلامری

قریم و قفقاسیا مسائنا اولق شرطیه روسیه ده کی عموم اسلاملرک مفتیسی بولنان اورنبورغ مفتیسی برابرنده معتبران اسلامدن بر هیئت مخصوصه اولدینی حالده پترسبورغه کلوب بر قاج سنه دبری کوی اماملری حقنده مأمورین محلیه طرفندن اجرا اولمقده اولان تضییقاتدن طولایی داخلیه نظارتنه شکایاتده بولمیشدر . روس مأمورلری اماملرک اهالییه تلقینات سیاسیه ده بولندقلری ظن ایدیلن قزاق ، اورنبورغ ، اونا ولایتلرنده برچوق امامک اللرنده کی براتلری آلهرق کنیدیلرینی آچیقده بر اقبشدر ایدی . اماملره اجرا اولنان بو مجازات تحقیقات مخصوصیه و یا خود محاکم عائد سناک حکمنه مستند اولیوب منحصرأ مأمورین ضابطه نك اداره کیفیه سندن نشأت ایدیور ایدی . مفتی بو حقایق داخلیه ناظری مستشارینه شفاهاً بیان ایلش و مستشار دخی اماملره اجرای ظلم ایدن مأمورین حقنده تحقیقات اجرا اولنه جغنی وعدا ایلشدر .

§ روسیه مجلس مبعوثانده مفتیلک مقاملرینک تعدیلاتی حقنده مذاکرات جریان ایلدیکی صروده اسلام فرقه سی ارکانندن صدری مقصودی افندی طرفندن ایراد اولنان اوزون بر نقطده شمیدیکی تشکیلاتک امپراطوریچه ایکنجی (قاترین) زمانندن قالمه اولوب حال حاضرده اسلاملرک اصلاحاحتیاجاتنه کفایت ایتمامکده اولدینی و اورنبورغ مفتیلکنک اصلاحاتی خصوصنده روسیه ده کی ملت اسلامیه نك مطالبی آتیده کی اون ماده دن عبارت اولدینی بیان ایلشدر .

(۱) مفتی اولسون امام وقاضی اولسون امور شرعیه و وظائف دینییه مأمور اولانلرک کافه سنک انتخاب ایله تعیین ایدلمسیدر . (۲) مفتیلر ، قاضیلر ، اماملر مذاهب سائر و حایلرینک نائل اولدینی معافیت و امتیازاتدن مستفید اولسونلر و باخصوص خدمت عسکریه دن معاف طوتمسیدر . (۳) مکتب و مدرسه لر مأمورین شرعیه نك تحت نظارتنده بولمسیدر . (۴) جامع و مسجد انشاسی ایچون لازم کلن رخصتک سطوغروندن طوغرییه حکومت طرفندن بخش اولمسیدر . حال حاضرده معابد اسلامیه انشاسی جاممک انشا اولنه جغنی محاکم راهبندن رخصت آلمنه متوقف اولدینندن بونظامنامه نك فسخی مطلوبیدر . (۵) اوقاف اسلامیه نك خرسیتانلرک امور خیریه سنه عائد عقاراتک مستفید اولدینی امتیازاتدن مستفید اولمسیدر . (۶) ترکستانده ، شمالی قفقاسیه ده ، قیرغیز ایالاتنده مفتیلک تشکیلاتی اولدینندن اورالرده دخی تشکیلات لازمه نك اجرا اولمسیدر . (۷) امام وقاضیلر طرفندن جمعیتلر تشکیل ایچون بر نظامنامه ترتیب ایدلمسی . (۸) اورنبورغ محکمه شرعیه سی طرفندن ولایت مرکز لرنده شعبه تأسیسنه مساعدده اولمسی . (۹) مفتیلک دائره سنده مکتب و مدرسه امورینه نظارته مخصوص بر شعبه کشادینه مساعدده قلمسی (۱۰) محکمه شرعیه نك مصارفی ایچون خزینه مالیه دن اعطا اولنان تخصیصات غایت جزئی اولدینندن تخصیصات مذکورده نك تزییدی .

(نه کزه لسیور) غزته سنک مخبر مخصوصی حدیده دن غزته سنه یازیور :

مسلمانلار آره سنده تفرقه دوشورن خائنلرک

ملعنت وتلیسانی

... شیمدی یالکنز سید ادریس خلافتنه قارشی کلیور . ینک شالنده ، عسیرده ، دها بر قاج زمان اول ، باشنده حسیات تعصبلری تحریک ایدلش یکر می بیک عرب اولدینی حالده وایتالیانلرک یاردیمیه تورکلره محاربه ایدیوردی .

کندیسی پک غریب بر آدمدر ، معلوماتلیدر . ترقیات فنییه اجنی دکدر . قاهرده تحصیل علوم ایلشدر . اختلاطی ، استبداد واستقلال طرفداریدر . جناب حق طرفندن مهدی اولهرق کوندردلیکنی و کرامت صاحب اولدینی سویار بوتون مریدلرینه بولاری قبول ایتدیرمک ایستر . طرفدارلری آره سنده محافظه نفوذ ایچون استعمال ایلدیکی واسطه هان فیدر . ایشته بر مثالی : مظلم بر اوداده اوطوره رق ، جهرد سنی فوسفور واسطه سیله پارلاق کوستروالنده بر الکتریک سیله مربوط بر باستون بولوندیرر هر زائر بو علامت الوهته دوقوقومغه مجبوردر . دوقونور دوقونمز بر صدمه الکتریکیه معروض قالهرق چکیلر و حضور مهدیده سجده قاپایر . بعض کره بر حقه بازلق اجراسیله باشی کیلش کوستره رک سوز سولنکه باشلار بر از صوکره الکتریک دوکملرینی حاوی بر قوستوم کیه رک نطقنک اک مهم قسمنده کندیسی نور ایچنده بر اقیور . بعض کرده کیجه ، بر (لانتیرون مازیق) واسطه سیله رسمی بریره عکس ایتدیره رک کرامتقروشاقل ایدر .

مع مافید سید ادریسک عظمت وشعشه سی صولویور . ایتالیانلر طرفندن کندیسنه معاونت ایدلدیکی کبی ، ایتالیا - ترکیه محاربه سنک اعلانندن اولده مصوعدن کندیسنه بر قاج سمبوق مهمات حربیه و تفنک کوندردلی .

محاربه باشلار باشلامز عربلر کندی جنس و دینداشلریله محاربه ایدن دشمنک مافوق الطبیعه فرض ایتدکلری آدمه معاونت ایتسی جائز اولمادینی آکلادیلر .

هیچ شبهه سزکه بانیتده حدیده ده تحشد ایدن عثمانلی قوه مده شه سی سید ادریسی الله کیره جک و جزاسنی ویره جکدر .

صراط مستقیم — سبیل الرشاد

الحمد لله بو ۱۸۲ نجی نسخه مزله صراط مستقیمک یدنجی جلدی ختام بولمشدر ؛ سکزننجی جلددن اعتباراً عینی مسلکی دها اطرافلی بر صور تده تعقیب ایتک اوزره « سبیل الرشاد » عنوانی آلتنده انتشار ایده جکدر . محترم قارئلر مزک معلومی اولق اوزره بیانه لزوم کوردک .